



Kolej Kesepuluh Juara Catur Bistari



Peserta tekun untuk mengaut keuntungan dalam permainan Catur Bistari ini.

SERDANG, 13 Mac – Kumpulan Ho Liao dari Kolej Kesepuluh Universiti Putra Malaysia (UPM) menjuarai pertandingan Cabaran Catur Bestari Interkolej 2010 dengan memenangi wang tunai berjumlah RM2,000.

Naib johan pula dimenangi oleh kumpulan Young Entrepreneur dari Universiti Teknologi Abdul Razak (Unitar) dan tempat ketiga dimenangi oleh kumpulan K10 juga dari Kolej Kesepuluh.



Catur Bistari ala monopoli ini sesuai untuk mendidik pelajar menjadi usahawan yang berjaya.

Ketua 'Kumpulan Ho Liao' Muhammad Zulhairi Dzulkifli berkata rahsia kejayaan kumpulannya ialah latihan yang berterusan serta perancangan yang strategik dalam permainan.

"Kita perlu faham bila masa yang sesuai untuk melabur wang serta jangan mudah membuat keputusan terlalu awal," katanya yang menyifatkan permainan itu menggalak nilai keusahawanan dalam diri pemain dan memupuk nilai perniagaan secara Islam.



Kumpulan Ho Liao dari Kolej Kesepuluh UPM menjuarai pertandingan dengan membawa pulang wang tunai berjumlah RM2,000.

Pertandingan anjuran Kolej Kesepuluh UPM itu bertujuan untuk memupuk minat keusahawanan para pelajar memulakan perniagaan mereka melalui permainan ala monopoli yang berharga RM 89.90 satu set.

Catur Bistari disertai 6 universiti iaitu Universiti Insitut Teknologi Mara (UiTM) Pahang, Universiti Malaysia Pahang (UMP), Universiti Sains Islam Malaysia (USIM), Universiti Teknologi Abdul Razak (Unitar), Universiti Teknikal Malaysia Melaka (UTeM) dan UPM.



Mohd Azizul dari Universiti Malaysia Pahang (UMP) memenangi nilai kumpulan aset tertinggi dengan membawa pulang sebuah laptop HP.

Pelajar tahun tiga bachelo Kejuruteraan Aeroangkasa UPM, Chong Ee Lian berkata pengaruh dari rakan dan tentatif program yang menarik membuatkan beliau menyertai permainan itu.

"Ia boleh dijadikan latihan praktikal kepada para usahawan untuk memulakan sesebuah perniagaan berbanding dengan latihan teori yang hanya dipelajari di dalam kelas," tambah beliau.

Berita ini disediakan oleh Seksyen Media, Bahagian Komunikasi Korporat UPM. (Mohd Faisal Md Noor 03-89466011).